

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
BROJ: T04 0 KT 0052051 23
Zenica, 06.03.2024. godine

OPĆINSKOM SUDU U VISOKOM
- Sudiji za prethodno saslušanje -
V I S O K O

Na osnovu člana 45. stav 2. tačka i) u vezi sa članom 241. stav 1., člana 242. stav 1. Zakona o krivičnom postupku F BiH, *p o d i ž e m*

O P T U Ź N I C U

Protiv,

SIRĆO ZUHIDINA, zv. „Zude“, rođen 1972. godine u Musićima, općina Olovo, osuđivan presudom Općinskog suda u Olovu od 06.03.2002. godine zbog krivičnog djela Prevara povjerioca iz člana 299. stav 1. KZ F BiH na kaznu zatvora u trajanju od 5 mjeseci, uvjetno 1 godina, presudom Općinskog suda u Visokom od 05.02.2007. godine zbog krivičnog djela Nasilničko ponašanje iz člana 362. stav 1. KZ F BiH na kaznu zatvora u trajanju od 3 mjeseca, presudom Općinskog suda u Visokom od 21.05.2009. godine zbog krivičnog djela Ovjeravanje neistinitog sadržaja iz člana 375. stav 1. i 2. KZ F BiH na kaznu zatvora u trajanju od 1 godine, uvjetno 3 godine,

što je,

Tačno neutvrđenog dana u vremenskom periodu od 18.05.2022. godine do 14.12.2022. godine, na području općine Olovo, u ulici Musići bb, s ciljem da osujeti ostvarenje prava na stvari u vlasništvu firme „Braća Sirćo“ export-import d.o.o. čiji je suvlasnik, a na kojima MF banka a.d. Banja Luka ima založno pravo, nakon što je od strane sudskog izvršioca izvršen pljenidbeni popis i procjena stvari koje su uredno obilježene naljepnicama o zapljeni, oduzeo svoju stvar i to teretno motorno vozilo marke Mercedes tip 814, težine 3,1 t, zelene boje bez registarskih oznaka tako što je predmetno vozilo sklonio sa lica mjesta, svjestan da na taj način može oštetiti svog povjerioca, što je i htio, na koji način je spriječio prodaju popisanih stvari i tako oštetio MF banku a.d. Banja Luka za iznos od oko 6.000,00 KM koji iznos je procenjen od strane sudskog izvršioca,

dakle, s ciljem da osujeti ostvarenje prava na stvari oduzeo svoje stvari na koje drugi ima založno pravo,

čime je počinio krivično djelo Prevara povjerioca iz člana 299. stav 1. KZ F BiH.